

武陵縣志卷之一

同治三
戊編成

陽湖

惲世臨鑒定

邑人

不啟邁纂輯

地理志第一


武陵之先實惟漢壽臨沅錯峙厥區延袤異軫分躔川
嶽鍾毓道沉西來界河前後陽山聳乾漸沿其麓東滙
湖孺陂池交屬巨防式遏川流倒壑決之排之賴賢守
牧區畫井疆土田饒沃樸俗以敦抗懷芳躅志地理

輿圖

武陵縣志

卷之一

地理志 輿圖




武陵縣志

卷之一

地理志

輿圖

二



縣境全圖 每方二十里



武陵縣志


卷之一

地理志

輿圖

三

縣北境圖 每方十里



武陵縣志

卷之一

地理志 輿圖

四

縣南境圖 每方十里

東



武陵縣志

卷之一

地理志 輿圖

五



武陵禹貢荊州之域

明一統志常德府禹貢荊州之域商周時為蠻蠻所居戰國屬楚

秦為黔中郡地

漢書西南夷傳楚威王時使將軍莊躋將兵循江上略巴黔中以西史記秦本紀昭襄王

二十七年使司馬錯攻楚黔中拔之三十年蜀守張若伐取巫郡及江南為黔中郡水經注沅水又東逕臨沅縣南縣治

武陵郡下本楚之黔中郡矣唐杜佑通典州郡十漢為索縣三朗州春秋戰國時皆屬楚地秦昭王置黔中郡

臨沅縣隸荊州武陵郡郡治索縣

漢書地理志武陵郡原注高帝置屬荊州莽曰建平又縣十三索孱陵臨沅沅陵鐔成無陽遷陵辰陽酉陽義陵

佷山零陽充通典州郡十三朗州武陵原注漢臨沅漢壽二縣地案索即今縣北境及龍陽縣地故城在縣北五十里

臨沅即今縣南境及桃源縣地故城今府城是二縣蓋以漸水為界晉司馬彪續漢書郡國志武陵郡梁劉昭注秦昭王

置名黔中郡高帝五年更名雒陽南二千一百里先賢傳曰晉代太守趙厥問主簿潘京曰貴郡何以名武陵京曰鄙郡

本名義陵在辰陽縣界與夷相接為所攻破光武時移東出

武陵縣志

遂得見全共議易號傳日止戈為武高平日陵於是改名焉臣昭案前書本名武陵不知此對何據而出明顧祖禹方輿

紀要漢壽城本漢之後漢析臨沅置沅南縣又更索曰漢壽索縣武陵郡治焉

移荊州刺史治焉而郡移治臨沅

續漢書郡國志荊州武陵郡十二城臨沅漢壽故索陽嘉三年更名刺史治孱陵零陽充沅陵辰陽酉陽遷陵鐔

成沅南建武二十六年置作唐案沅南析臨沅南境置故城在今縣南七十里二縣蓋以沅水為界宋歐陽忞輿地廣

記故漢壽縣本名索漢為武陵郡治東漢為荊州刺史治而郡徙治臨沅至魏州徙治江陵案荆

州自劉表徙治襄陽非至魏始徙也

更漢壽曰吳壽晉復故臨沅沅南因之仍隸荊州武陵郡

志吳主傳建安十九年分荊州長沙江夏桂陽以東屬權南郡零陵武陵以西屬備通典州郡一劉備沒後所分之地悉

復屬吳宋書州郡志漢壽吳曰吳壽晉武帝復舊晉書地理志荊州武陵郡統縣十臨沅龍陽漢壽沅陵黔陽酉陽鐔成沅南遷陵舞陽案臨沅漢壽沅南即今縣及桃源縣地

蓋吳人析漢壽東境置龍陽縣故三縣境較漢時稍蹙矣

卷之一

地理志 沿革

齊郡及縣屬郢州宋書州郡志郢州武陵太守領縣十臨沅

沅陵案南齊書州郡志武梁屬武州梁書杜蔚傳大清二

陵郡屬郢州領縣均如宋時

史俄遷武陵內史隋書地理志武陵郡梁置武州考武陵齊已屬

理志朗州武陵梁於縣置武州案武州之置梁書無明文

十道志謂湘東王於荆州割武陵郡置武州考武陵齊已屬

郢不應復屬荆其說似誤又考梁書元帝紀云太清四年荆

州刺史鎮武陵則陳屬沅州陳書世祖紀天嘉元年分荆州

武州不久仍廢矣陳屬沅州之天門義陽南平郢州之武陵

四郡置武州其刺史領武陵太守治武陵郡宣帝紀太建七

年改武州為沅州案武陵梁末己屬荆據世祖紀陳初又

似屬郢未審何時徙屬又案世祖紀云天嘉元年都

尉所部六縣為沅州別置通甯郡即今辰州府與此異

隋平

陳郡廢改朗州并臨沅沅南漢壽置武陵縣大業初復武陵

郡隋書地理志開皇三年廢諸郡煬帝嗣位并省諸州改州

置武陵郡又武陵郡統縣二武陵龍陽原注平陳為朗州又舊

初復置武陵郡案武陵即今縣及桃源縣地武陵名縣始

武陵縣志

此又案舊唐書地理志云隋平陳

復為嵩州尋又改朗州隋志不載唐武德中復朗州天寶

初又復武陵郡乾元初又復朗州而縣仍隸之舊唐書地理

朗州隋武陵郡武德四年平蕭銑置朗州天寶元年改為武

陵郡乾元元年復為朗州天寶初割屬山南東道舊領縣二

龍陽昭宗於州置武貞軍五代梁曰永順軍尋曰武順軍唐

復曰武貞軍尋曰武平軍周升為大都督府而州及縣仍隸

之唐書方鎮表光化元年置武貞軍節度使領澧朗敬三州

治澧州五代史雜傳雷滿武陵人也唐廣明中殺刺史崔

翥遂據朗州請命於唐昭宗以澧朗為武貞軍拜滿節度使

案二史武貞領州各異考舊唐書昭宗紀稱滿澧朗敬等

州觀察處置使與唐書同舊五代史梁書列傳稱滿澧朗節

度使與五代史同未詳孰是又案五代史云滿居朗州引

沅水壅其城舊五代史云馬殷攻朗州滿子彥恭遁去是

武貞本治朗唐表謂治澧非是舊五代史梁書張佶傳開平

初殷表佶為朗州永順軍節度使吳任臣十國春秋藩鎮表

梁開平時武穆王執雷彥雄等送之梁梁改朗州曰永順軍

卷之一

地理志沿革

案開平二年殷取朗州改永順軍蓋其時事朗州自是屬湖南鎮五代史楚世家天成二年明宗封殷楚國王自置官屬子希振為武順軍節度使明一統志常德府五代梁曰武順軍舊五代史唐書莊宗紀同光元年改朗州為武平軍以文昭王為武安武平節度使宋祝穆方輿勝覽朗州後唐為武平軍案武平軍文獻通考鼎州後唐為武正軍節度使改武平軍案武正即武貞避諱改舊五代史周書太祖紀廣順三年武平軍兵馬留後劉言乞移使府於武陵從之詔升朗州為大都督府在潭州之上以言行朗州大都督充武平軍節度十國春秋朗州領縣三宋乾德二年軍降團練大中祥符五年州改武陵龍陽橋江

鼎州政和七年仍於州置常德軍乾道元年始升州為常德

府均以縣隸焉宋史地理志荆湖北路常德府本鼎州武陵

大中祥符五年改今名政和七年升為軍建炎四年升鼎澧

州鎮撫使紹興元年置荆湖北路安撫使治鼎州領鼎澧辰

沅靖州三十二年罷乾道元年以孝宗潛藩升府八年依舊

提舉五州縣三武陵桃源龍陽南渡後增縣一沅江宋王存

武陵縣志 卷之一 地理志 沿革 八

元豐九域志鼎州武陵郡周為武平軍節度宋建隆四年降

團練案武陵即今縣境蓋乾德初析武陵西境置桃源縣

故較隋時之武陵又蹙矣又案宋荆湖北路未嘗治鼎考

高宗紀云紹興元年置荆湖東西路安撫司治鄂鼎州二年

改南北路治潭鄂州地理志北路二字當屬西路之譌又

案太祖紀云建隆四年三月克復朗州湖南平十一月改元

乾德降團練蓋其時事地理志九域志雖紀年各異實祇間

一歲耳又案方輿紀要云宋升鼎州為永安軍又改靖康

軍正史元至元中縣隸常德路元史地理志常德路宋常德

皆不載元史地理志常德路宋常德府元至元十二年置常德府

安撫司十四年改為總管府領縣一武陵州二桃源龍陽州

領縣一沅江案路屬湖廣行省江南湖北道考世祖紀云

至元十三年勅常德府貢包茅十五年明太祖甲辰縣隸常

置司常德路是改路當在十四五年內

德府明史地理志常德府元常德路屬湖廣行省自漢至

是代為郡州軍路治所 國朝因之隨府隸湖南布政使司

一統志常德府康熙二年屬湖南布政使司領縣四武陵桃

源龍陽沅江賀志康熙三年臨以分巡湖北道六年裁九年

顧承楚世家之說謬矣古郡縣多以山水得名漸水一曰鼎水實鼎州所由名賀志乃謂郡形如鼎又謂黃帝采銅首山鑄鼎洞庭之野不知黃帝鑄鼎在禹貢北條之荆山與此無涉自唐改郡為州躡屢置節度團練使而州如故乾道升府始不復有州之名自政和建軍為常德雖屢置鎮撫安撫使而軍如故至元改司始不復有軍之號觀宋志荆湖北路有鼎州南渡後始無通考謂常德府仍領本軍節度是其明證舊志皆未確考茲正之

論曰志縣固不必及郡然武陵代為倚郭邑重闡復寄焉尋枝者不得不索本也况沿革亦不一矣自漢以來郡十

武陵縣志

卷之一

地理志 沿革

十

變縣四變縣分合又四變軍節度之變難更僕數蓋鼎圖屢革郡邑亦朝改夕更後人沿譌踵謬顛倒糾紛非臚列其廢興之故覽古者奚以瞭如指掌乎

疆域

縣治附郭在湖南布政使司西北四百八十里通志作四百一十五里東

至龍陽縣小河口賀志作宣布舖界四十五里通志作四十里西至桃源縣

高吾舖界二十五里賀志作三十五里通志作五十里南至長沙府安化縣

燕子洞界百二十里北至澧州鼇山舖界九十里東南至龍

陽縣牛橋舖界六十里通志作四十五里西南至桃源縣插角山界

百三十五里原作西南至桃源縣六合埡界九十里案六合埡在今縣西北九十里疑不可以界西藩之

境東北至澧州安鄉縣麻河界百三十五里西北至澧州安

福縣龍門洞界八十里東西距七十里賀志作八十里通志作百里南北

距二百一十里通志作百七十五里自縣治至京師三千九百八十

里賀志作六千二百十里通志作三千六百六十八里府志

論曰武陵在隋甚濶在宋甚狹今之疆域猶宋也然元明

代興紛紛易制此疆爾界之間安必今古如一哉

國家畫野分疆綺交繡錯二百年來幾忘向者之華靡矣為

考其犬牙相錯者著於篇亦曰省風問俗惟疆是視已耳

分野

十二舍屬鶉尾賀志周禮春官保章氏以星土辨九州之

地理志 分野 十一

鶉尾楚也漢書律歷志鶉尾初張十八度立秋中翼十五

度處暑終軫十一度晉司馬彪續漢書郡國志梁劉昭注

自張十八度至軫十一度曰鶉尾之次於辰在巳謂之大

荒落於律為夷則斗建在申今楚分野一統志湖南翼軫

分野鶉尾之次

案鶉尾交宮宿度古今不同費直周易說起張十三度至

軫七度蔡邕月令章句起張十二度至軫六度陳卓景初

歷起張十七度至軫十一度僧一行大衍歷起張十五度

至軫九度雖度數差異而宮宿未改也崇禎元年歷始起

星七度五十一分至翼十一度二十三分 國朝嘉慶二

十三年歷又起星五度十五分至翼八度四十五分遂與

古懸殊矣蓋古人不用歲差法故宮宿無大變易今則以

中氣過宮恆星每歲東移凡七十年餘差一度故宮無定宿而宿可以遞居各宮也又翼宿古作十八十九二十度軫宿古作十七十八度崇禎歷則云翼十七度軫十三度零三分嘉慶歷又云翼十六度五十九分軫十三度五分蓋恆星行有遲速故黃道度亦微有增損耳

二十八宿屬翼軫負志 便記天官書翼軫荆州漢書地理志楚地翼軫之分野也今之南郡江夏零

陵桂陽武陵長沙及漢中汝南郡盡楚分也晉書天文州郡彙次零陵入軫十一度桂陽入軫六度武陵入軫十度長沙入軫十六度案王應麟玉海作武陵入軫十一度于大天文秘訣章世純星次分野與此同

案郡國入度鄭康成謂其非古數是矣考郡國志武陵郡隸十二城與桂陽隸十一城零陵長沙隸十三城者相埒

武陵縣志

卷之一

地理志 分野

十二

所轄常澧辰沅永靖諸府州地廣袤近千里安得僅以一度限之而餘郡乃至四五度乎觀徐灝令武陵見金木犯翼七度及十六十七度決吾郡權兵楊嗣昌見白氣犯翼軫間謂賊氛將及吾郡詳賀志皆不以軫十度為候則晉志之誤自見矣然則武陵宜何屬曰武陵古荆州城翼軫既為荆楚分星是亦武陵分星也若必切指其入某星某度寸較銖析以求合則鑿矣

北極出地二十九度偏西四度七分劉茂吉測極表 府志稿 宋王溥唐會要開

元十二年命太史監南宮說在朗州測日影武陵北極高二十九度五分舊唐書天文志朗州武陵縣北極高二十九度五分冬至至影在表北一丈五寸三分定春秋分影在表北四尺四寸七分夏至至影在表北七寸七分

氣候占驗附

景物和煦然處洞庭上游地屬卑濕每歲正月以後陰多晴

少諺云春無三日晴二三月風雨亦涼冷如冬四五月多雨四月梅雨

蒸溽磚礎皆濕五月大雨溪漲俗呼磨刀水雷尉疏云月明五夜愁天旱雨落三朝怕水淹蓋自古然也陸佃埤雅釋木今江湖二浙四五月之間梅欲黃落則水潤土溽礎壁皆汗蒸鬱成雨其霏如霧謂之梅雨沾衣服皆敗黝

南薰交扇日趨炎燠芒種後日迫於暑多蚊蚋將雨蒸鬱不可耐多蚤蝨諺云乾蚊蟲濕蛇蚤

三伏酷熱入秋彌烈八月十三日至二十三日俗稱詹家天九月涼颺振槁

霜候漸逼俗云包三凍九十月多晴俗稱小陽春間有霜十一二

月甚風大雪占歲者以為驗年內大雪冰凍則來歲豐諺云不冷不熱五穀不結明

陳國寶武陵舊事

武陵縣志

卷之一

地理志 分野

正月一雞二犬三豬四羊五牛六馬七人八穀其日晴所生

之物育陰則災元宵初日占百果中日晚稻末日早稻

二月驚蟄雷鳴主本月多雨次月旱妨農諺云驚蟄聞雷米似泥

三月三日聽蛙聲午前鳴高田熟午後鳴低田熟

四月立夏青氣見東南吉否則歲多災又立夏小滿宜雨諺云

立夏不下高田放壩小滿不滿芒種不管又云四月八日晴魚兒上高坪

五月夏至雨主歲豐諺云夏至見青天有雨在秋邊

六月立秋在月晦則早稻遲諺云六月秋要到秋七月秋不到秋

七月七日以前河影沒三日復見則穀賤七日復見則穀貴

俗謂天河探米價

八月秋分不宜晴中秋月明則湖無魚晦主來歲元宵雨云

雲掩中秋月
雨打上元燈

九月自一日至九日北風主來歲穀賤以日占月如一日則
主正月是

重陽無雨主晴諺云重陽無
雨一冬晴無風則湖有魚案今諺云不
怕雨不怕風

只怕明月
照湖中

十月一日宜晴諺云十月初一晴柴炭灰樣平
又云十月雨連連高山也是田

十一月冬至青雲見北方吉主來歲豐否則主旱

十二月大小寒多風雪損畜 除夕天有星主來歲棉花少

諺云天有
花地無花

四季甲子甲申不宜雨春甲子雨赤地千里夏甲子雨撐船
入市秋甲子雨禾頭生耳冬甲子雨

武陵縣志 卷之一 地理志 分野 十四

牛羊凍死甲申大雨穀大
貴小雨穀小貴 俱賀志

二至後逢九占寒燠增周遵道豹隱紀談土俗以二至後
九日為寒燠之候夏至後云一九至二

九扇子不離手三九二十七喫茶如蜜汁四九三十六爭
向路頭宿五九四十五樹頭秋葉舞六九五十四乘涼不

入寺七九六十三夜眠尋被單八九七十二被單添夾被
九九八十一家家打炭擊冬至後云一九至二九和與不

出手三九二十七籬頭吹筆築四九三十六夜眠如路宿
五九四十五太陽開門戶六九五十四貧兒爭意氣七九
六十三布衲兩懸懸八九七十二貓兒尋陰地九九八十

一犁耙一齊出
論曰今之言天者動曰分野分野之說起之甘德石申暢

之班固張衡蔡邕陳卓然不經實甚夫周天三百六十度

大地全體九萬里應之中國南自瓊州極高十八度北至

開平極高四十二度直徑僅六千里在大地不過十五分

之一耳安有穹窿圓象尚爲此六千里設哉且就所配方
域論亦不相符吳越實東南反麗星紀魯衛實東北反位
戌亥齊表東海而星北秦處西陲而次南推之宋衛之遼
隔燕吳之毗連周楚之接壤皆與輿圖背謬說者知其不
可通遂有以受封之日歲星所在爲言者賈公彥有以諸國
分星命以主祭爲言者鄭樵然陳蔡絕而復續案漢書地理志陳與鄭同
分周鄭遷而之東豈封域旣改封日又異而前星且未變
耶懸象在天非昨土分茅之比豈分以此星遂可據爲已
有耶况周千八百國何獨此十二國當之古國邑不過百
里又何自而得專次乎至僧一行謂河山之首尾與雲漢
武陵縣志

卷之一

地理志 分野

十五

之始終相應其說似乎近是自西人利瑪竇雲漢帶天一
周之圖出識者已譏其荒唐矣方以智然則保章氏星土分
星之論或別有所指豈必如諸家之說哉顧春秋以來莫
不兢兢於是焉姑存其說可也

